



MAS-CHALCH

Infuormaziun a regard il Mas-chalch da Sent

- Cumpara tanter ils 20 e 25 da mincha mais.
- Ils texts ston gnir tramiss o dats giò fin ils 15 dal mais a Mina Mader madertrans@bluewin.ch
- Il mas-chalch dess gnir pichà oura e distribui in lös publics. El po gnir retrat in seguaints lös: büro da turissem, butia da Plaz, furnaria Benderer, bacharia Zanetti, furnaria Clalüna, Grotta da Cultura e butia Schlerin Cafè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel mas-chalch vegnan ramassats da Mina Mader. Scha pussibel giavüschaina texts in fuorma digitala.

ARRANDSCHAMAINTS

Societats chi vöglian publichar arrandschamaints han seguaintas pussibilitats:

- Mas-chalch da Sent : tenor infuormaziuns sùlla prüma pagina
- Pagina dad internet www.sent-online.ch: annunzchas per mail a Cla Rauch, cla.rauch@bluewin.ch
- Chalender d'arrandschamaints da la destinaziun turistica:
www.engadin.com => "Allegra das Veranstaltungsmagazin" => Veranstaltungen erfassen opür
<https://www.engadin.com/de/planen-buchen/allegra-veranstaltungsmagazin>
Quellas occurrenzhas vegnan publichadas eir ill'Allegra, schi sun annunzchadas avant il termin da la fin da redacziun da l'Allegra.

AVIS - Adöver chaistas nairas

Il cumün da Scuol nun ha plü adöver pellas chaistas nairas. Societats chi lessan publichar lur occurrenzhas ed infuormaziuns illas chaistas nairas pon manar avis in fuormat A4 pro Mina Mader adüna il marcurdi. Ils avis vegnan piazzats adüna la gövgia illas chaistas nairas.

GROTTA DA CULTURA – infuormaziuns detagliadas i'l Allegra e suot <http://www.grottadacultura.ch>

Galleria e bar-café / Galerie und Bar-Café

mardi e sonda / Dienstag und Samstag

17:00 -19:00

Nus ans allegrain da Lur visita!

Exposiziun/Ausstellung

"Chamäleon" squitschs da lain e da linol da Maja Plüer

mardi e venderdi, 17.00 – 19.00 Grotta da cultura Schigliana
entrata libra

Chamäleon significha la varietà dals motivs, da las culurs e da las fuormas da sias lavurs.

Maja Plüer viva a Buchs i'l chantun Turich. Daspö 1987 gioda ella cun sia famiglia las vacanzas a Davo Stron, a Sent e cun Peder Buchli ha ella fat üna pruna gitas interessantas illas muntognas da l'Engiadina Bassa.

Illa Grotta da cultura Sent muossa ella squitschs da lain e da linol, d'üna e da plüssas culurs, Purtrets dad umans, cuntradas, muntognas, plantas e natüralmaing ün cameleon.

Exposiziun fin als 01.08-2023.

SOCIETÀ D'ÜTIL PUBLIC – concerts illa baselgia da Sent - <https://sent-concerts.ch/konzerte>
Ingüna reservaziun da plazzas - la chascha es averta ün'ura avant il concert.

Dumengia da Tschinquaisma, als 28 mai 2023, a las 17.00 collecta

FRAIS-CHEZZA GIUVENILA

Ensemble da Giuvenils Con Fuoco, dirigenta : Verena Zeller

Giuvenils fich talentats fuorman quist orchester da strichaders chi'd es gnü onurà cun plüs premis. Per els es la musica lur hobi il plü important. La collecta sustegna lur viadi ad ün inscunter internaziunal dad orchesters da giuvenils in Belgia. Dal 2019 vaivan els rajiunt il 1. Premi !

Dumengia, als 11 gën 2023 a las 17.00 CHF25.-

„RORSCHACH ES REMARCHABEL“

Flurina Sarott – violina, Cristina Janett – cello, Simone Keller – clavazin, Philip Bartels – texts

In ün concert divertent saraja da dudir musica e chartas da viadi da Fanny e Felix Mendelson ed implü üna premiera da la cumponista Lara Stanic da Turich. Ils lungs viadis da la famiglia Mendelson tras la Svizra gnaran ad uraglia.

Dumengia, als 25 gën 2023, a las 20.15, CHF 25.-

Sco introducziun suna Mischa Weiss, ün giuven musicist da Sent, cul marimba.

„FLUORS, BE FLUORS ED UMANS“

Margie Wu – clavazin, Laurence Mekhitarian - clavazin

Ün titel misterius our da l'ouvra da György Kurtags chi collia ils umans in lur passagerità culla bellezza fragila inconstanta da las fluors. Quai s'affà culla ricchezza da fluors a Sent i'l mais gën. Plünavant dudina eir musica da Bach, Debussy e Schumann.

« Concerts cun introducziun » uschè daina da pussibilità a giuven musicists da la regiun da's preschantar. Nus ans allegrain da dudir a Mischa Weiss.

CORPORAZIUN EVANGELICA SENT

Cults divins

DUMENGIA, 11 GÜN

Cult divin,

10.00, rumantsch/tudais-ch, rav. Maria Schneebeli

DUMENGIA, 25 GÜN

Cult divin

10.00, rumantsch, pred. laica Seraina Guler

19.00, Eucharistiefier, Pfr. Chr. Willa

Comunicaziun

Nossa ravenda Maria Claudia Schneebeli banduna la pravenda da Sent. Sia situaziun da famiglia nu tilla permetta da restar pro no. Seis figl e seis hom sun orientats vers l'Engiadin'ota. Davo ponderà minuziusamaing es ella gnüd'a la conclusiun, ch'ella haja da dar sü la piazza, ch'ella haja suotstimà las circumstanzas famigliaras.

Duonna Maria Claudia s'ha vivüd'aint bain illa raspada ed as sainta da chasa. I'ns dischplascha fich ch'ella va davent la fin da settember.

Eir scha duonna Maria Claudia nun es davo plü impiegada sco ravenda a Sent, ans voul ella sustegner tenor pussibilità, pro cult divins, Soncha Tschaina, casualias ed oter.

No eschan grats pel temp cun duonna Maria Claudia e tilla giavüschain tuot il bun.

Il cussagl da baselgia

Absenza da nossa ravenda:

Dals 19 fin als 24 gën es nossa ravenda in scolaziun. Il substitut per casualias d'urant quist temp es: rav. Magnus Schleich, 081 854 05 70, em.schleich@bluewin.ch

Adressa: Pravenda evangelica Sent, ravenda Maria Schneebeli, Avant Baselgia 80, 7554 Sent
telefon 081 864 03 84, maria.schneebeli@gr-ref.ch

PER NOSSAS SENIORAS - PER NOSS SENIORS

Adüna il **lündeschdi**, a las **14.00** in **Chasa Misoch**: Gimnastica per las duonnas, Pro Senectute, manadra Elisabeth Poo, tel. 081 864 18 20

Adüna il **marcurdi** a las **14.00** in **Chasa Misoch**: Società da duonnas infuormaziun: Dorathea Stupan, tel. 081 864 04 75

FESTIVAL CUN SAL E PAIVER

Sent | baselgia

Venderdi, als 14 e sonda als 15 da lügl 2023

14-07-23 (venderdi)

Bar (18.00-18.50)

Concert 1 (19.00-19.50)

Bar (20.00-20.50)

Concert 2 (21.00-21.50)

15-07-23 (sonda)

Concert 3 (17.00-17.50)

Bar (18.00-18.50)

Concert 4 (19.00-19.50)

Bar (20.00-20.50)

Concert 5 (21.00-21.50)



14 musicistAs concerteschan in differentas fuormaziuns ed in differentis stils.

Il program detaglià es publichà sün nossa pagina d'internet www.cunsalepaiver.ch

ArtistAs

Chasper-Curò Mani	bariton	Gianna Lunardi	mezzosopran
Sara Bigna Janett	sopran	Daniel Bentz	tenor
Simon Bächinger	clavazin	Manuela Tuena	sopran
Franco Mettler	clarinetta	Thomas Weber	orgel da man
Edmauro de Oliveira	guitarra	Jojo Kunz	g'iun
Urs Wittwer	orgel	Alexander Curtius	saxofon
Jürg Nietlispach	guitarra	Pär Näsbon	g'ia

Dürant las posas ha il public l'occasiun da's rinforzar cun üna boccada o's rinfras-char cun üna bavronda in nossa bar chi's rechatta illa chasa Misoch sper la baselgia.

I dà la pussibilità da s'acquistar bigliets per singulas rapreschantaziuns, ma eir abunamaints per tuots 5 concerts. Bigliets per singuls concerts vegnan vendüts be d'ürant la chascha da la saira a partir da 60 minuts avant il concert 1 ed a partir da 30 minuts avant ils concerts 2 fin 5. Las plazzas sun numeradas.

Predschs:

1 concert 20 fr.

2 concerts 35 fr.

3 concerts 50 fr.

4 concerts 65 fr.

Abunamaints (per tuots 5 concerts): 75 fr.

Prevendita abunamaints (a partir dals 23 da gün): Gäste-Info (081 861 88 29)

Contact

Andri Gritti | Via Sura 577 | 7554 Sent | 081 864 98 66 | 079 577 67 79 | andrigritti@bluewin.ch



FESTA DALS ASENS

ILLA TENDA

08 - 07 - 2023

Scoula Sent, Piazza Sura

18:00 Ustaria cun grill

19:00 Chapella Tasna

21:00 Bal cun DJ Foxy



giuv  Sentüm

Entrada libra fin a las 20:00, davo 10.-